

SEMANA DAHULUK
MORIS SIMPLES DUKE RIKU

Objektivu:

1. Atu labarik sira bele hatene hili moris simples duke riku
2. Atu labarik sira bele Hadomi moris simples
3. Atu labarik sira bele Pratika mori simples

Prosessu

Orasaun

Istoria

Loron ida, turista riku ida, tau oklu metan tara nia makina fotofrafia nian, lao pasiar iha tasi ibun. Nia hetan peskador ida toba hela iha ia bero sorin.

Tansa ita lakaer ikan? Turista ne'e hahu koalia ho pescador ne'e.

Ha'u tiha ona ikan barak, too ona ba ohin nian, peskador ne'e hatan.

Diak, maibe tansa, la ba tiha tan, atu hetan ikan barak liu tan no hetan osan barak liu tan, hafoin bele sosa rede, nune'e bele kaer ikan barak.

Atu halo saida?

Atu ó bele sosa motor ida ba ó nia bero, nune'e wainhira ó peska ba dook liu tan, ba iha fatin ne'ebe ikan barak liu. Hanesan ne'e ó bele sosa ró boot ida, hodi kaer ikan.

Hafoin, atu halo saida?

Nunee'e ó bele sai riku, no hetan tempo barak atu deskansa!

Ne'e mak, oras ne'e ha'u deskansa hela ne'e. (Pam 3)

Perguntas

1. Se mak pasiar iha tasi ibun? (turista)
2. Turista hasoru se iha tasi ibun? (tiu peskador ida)
3. Wainhira turista dehan ba tiu peskador atu tiha ikan nun'e nia faan hetan osan barak bele sai riku. Tiu peskador hatan saida?

Evanjellu

Lk 12: 16-21

Keta hanoin resin rikuso

¹⁶Jezús haktuir aiknanoik ida ne'e ba sira : "Ema riku ida hetan aihan barak housi nia to'os. ¹⁷Nia hanoin hodi dehan ba nia an: 'Ha'u sei halo sa los? Basa ha'u fatin la iha atu rai ha'u nia aihan sira.' ¹⁸Hafoin nia dehan: 'Ha'u sei halo nune'e: ha'u sei sobu ha'u nia aihan fatin hodi harii ida seluk boot liu fali ida ne'e; iha neba ha'u sei rai aifuan hotu to'os nian ho ha'u nia rikuso tomak. ¹⁹No ha'u sei dehan ba ha'u nia klamar: 'Ha'u klamar, o iha sasan barak nebe rai

hela ba tinan wa'in; hakmatek ba, han hemu hodi haksolok ba.' ²⁰Maibe Maromak dehan ba nia: 'Beikten! Iha kalan ne'e kedas Ha'u sei bolu o nia klamar; sasan sira nebe o rai hela sei sai se nian?' ²¹Nune'e mos sei mosu ba ema nebe rai hela rikuso ba nia an, maibe la sai riku ba Maromak."

Perguntas

1. Ema riku ne'e dehan saida ba nia an?
2. Ema riku ne'e hanoin atu hari tan saida?
3. Ema riku ne'e tau hotu ona nia riku iha uma boot ne'e nia laran. Nia dehan saida ba nia klamar?
4. Maibe Maromak dehan saida ba nia?

Sumario

Iha istoria ita rona konaba turista no peskador. Turista hakarak iha sasan barak; kaer ikan barak atu sosa ró ahi kail ikan nian, nune'e peskador bele sai riku no deskansa barak. Peskador nia hanoin la presisa iha sasan barak; kaer ikan barak, sosa ró ahi hodi kaer ikan ka pesca, mak bele deskansa. Maibe kaer ikan naton, too deit loron ne'e nian hafoin bele deskansa ona.

Iha evanjellu konta aiknanoik ida mai ita, hodi dehan katak; ema riku ida hakarak tau nia sasan iha uma boot ida nia laran, hanoin nia dehan ba nia klamar, bele denkansa ona tamba iha ona sasan barak ba loron aban bain rua nian. Maibe Jezús dehan; 'Beikten! Iha kalan ne'e kedas Ha'u sei bolu o nia klamar; sasan sira nebe o rai hela sei sai se nian?'

Nune'e mos mai ita ida-idak la lika buka atu iha sasan barak, atu ema bele dehan mai ita 'nia riku ona', maibe hanesan peskador ne'e, hetan buat ruma to'o ba loron ne'e nian, hafoin bele deskansa ona. Ne'e hanaran moris simples. Haksolok ho buat ne'ebé ita iha ka hetan, no hakmatek ho buat hirak ne'e. Exp. Se ha'u iha kaderno, lapis, apador, faru, kalsa sapatu ne'e to'o ona lalika husu tan apa, ama atu sosa tan bisikleta ba ó ka buat seluk ruma ne'ebé lolos la presisa. Molok ba eskola fo \$0.25, haksolok ho ida ne'e, keta husu tan to'o \$1.00. ne'e mak naran hadomi, no tulun nia mama no papa.

**SEMANA DARUAK
SAI DAME NA'IN**

Objektivu:

1. Atu Labarik sira bele hatene oin sa sai dame nain.
2. Atu Labarik sira bele Hadomi/ hakiak damen
3. Atu Labarik sira bele hari damen iha sira nia familia
4.

Prosessu

Orasaun

Musika:

HALO HA'U INSTRUMENTU DAME NIAN

S-22

1. Halo ha'u instrumentu dame nian,
lori domin ba sira hirus malu,
lori ita nia perdua ba malu,
halo metin sira be lakon fiar.

*Ref. Oh Na'i, tulun ha'u atu buka, fo ha'u an ba ema hotu,
la'os atu hein leet deit, buka ba atu hanoin diak
atu hadomi ema hotu .*

2. Halo ha'u instrumentu dame nian,
lori esperansa ba ema susar,
lori naroman ba fatin nakukun,
lori ksolok ba sira be triste los.
3. Halo ha'u instrumento dame nian,
iha laran luak hetan perdua,
iha laran diak hetan duni buat hotu,
iha mate ha'u sei hetan moris los.

Analiza muzika liu husi perguntas!

1. Tuir imi nia hanoin sai instrument damen nian katak sa?
2. Wainhira no iha nebe mak ita bele hari damen?
3. Atu sai dame nain uluk knanain hahu husi nebe?
4.

HAFORSA AKTIVIDADE HO LEITURA HUSI BIBLIA: MT, 5:1-12

Liafuan ksolok sira nian.

¹Hare tiha ema lubun boot, Jesus sa'e ba foho ida. Wainhira Nia tur tiha, eskolante sira hakbesik ba Nia. ²Nia hahu hanorin sira hodi dehan: ³"Ksolok ba ema sira nebe kiak iha laran, basa reinu lalehan sira nian. ⁴Ksolok ba sira nebe tanis, basa sira sei hetan ksolok; ⁵ksolok ba sira nebe laran kmaus, basa sira sei simu rai nudar liman rohan. ⁶Ksolok ba sira nebe hamlaha no hamrook ba justisa, basa sira sei bosu. ⁷Ksolok ba sira nebe laran luak, basa sira sei hetan laran luak. ⁸Ksolok ba sira nebe laran mos, basa sira sei hare Maromak. **⁹Ksolok ba sira nebe hari dame, basa ema sei hanaran sira Maromak oan.** ¹⁰Ksolok ba sira nebe ema fo terus tan buka justisa, basa reinu lalehan sira nian. ¹¹Ksolok ba imi wainhira, tamba Ha'u, ema hateten aat imi, duni imi no bobar lia bosok hasouru imi. ¹²Haksolok ba, foti neon ba, basa imi nia kolen boot liu iha lalehan; basa nune'e mos mak sira duni profeta sira nebe mai uluk liu imi."

PERGUNTAS

1. Evanjeliu nebe ohin imi rona koalio kona ba saida?
2. Indika to'ok pontu importante nebe imi rona husi Evenjeliu ne'e?
3. Tansa mak Jesus dehan ksolok ba sira ne'be!
4.

SUMARIO

Iha muzika be foin ita hananu dehan halo ha'u instrumento damen nian. Ita husu ba Na'i atu ita sai hanesaan Nia lori dame ba be sira hirus malu. No evanjellu hatoo mai ita kona ba Jezús nia hanorin, ksolok ba sira be laran susar, ***Ksolok ba sira nebe hari dame, basa ema sei hanaran sira Maromak oan.*** ..., alin sira Jezús hahi no promete ba ita sira be lori damen.

Lori damen mak oinsa? Lori damen mak la hirus no baku maluk sira, la rai odio, hatene hamaluk ho ema hotu, liu-liu sira ne'ebé ema seluk lakohi hamaluk ho sira, ka habelun ho sira be la iha belun.

Hatene fahe ho ema seluk, buat ne'ebé ha'u iha. Ha'u iha osan \$0.25, sosa es fahe ba ha'u nia belun be nia osan la iha atu sosa. Laos foosan ba nia, maibe sosa merenda mak fahe ho nia.

Perguntas

1. Ema ida iha oan mane nai hira?
2. Wainhira apa husu atu tulun apa, sebisu iha to'os, sira nain rua hatan saida?
3. Ida ne'ebé halo tuir nia aman nia hakarak?
4. ..

Sumario

Iha istoria ita rona kona ba labarik no Padre, labarik kiak sei fo ismola ba feto kiak ida, ne'ebé husu ismola, maibe padre lae.

Iha evanjellu ita rona kona ba labarik nain rua, ida hatan sim, la halo ba buat ne'ebé nia hatan ba ne'e, maibe ida be dehan lae, ikus mai halo buat ne'ebé nia aman husu ba nia atu halo.

Iha ita nia moris, lor-loron nian ita mos hasoru situasaun hanesan. Nudar labarik, ita la hetan osan mesak, ita husu ba ama ka apa, oinsa ita usa osan sira ne'e? (halimar hodi sosa, be, rebusando, nsst.) dala barak nudar labarik iha uma, ema boot apa, ama eh bin ka maun, haruka ita, ha'u halo tuir ka la halo tuir, bele mos hanesan labarik nain rua be Jezús konta ne'e. Jezús kompara labarik nain rua ne'e ho ema maksalak. Sira be dehan lae, maibe moris tuir didiak Maromak nia ukun fuan sira sei hetan salvasaun. Sira be koalio barak kona ba Maromak maibe la hatene halo tuir buat ne'ebé sira dehan sei hetan kastigu/ la tama iha Lalehan.

Ita hotu hatan ona sim, ba Maromak iha ita nia loron Batismu nian, iha orasaun sira be ita reza, liu-liu orasaun Kredo. Nune'e mai ita moris tuir didiak ba, atu hetan Lalehan, iha ita nia tempo ikus nian iha rai ne'e.

SEMANA DAHAAT HALO TUIR (obedese)

Objektivu:

1. Atu Labari ksira hatene kona ba saida mak halo tuir moris.
2. Atu Labarik sira hadomi inan, aman nia moral
3. Atu Labarik sira bele tau iha pratika moral sira
4.

Prosesu

Orasaun

Istoria

Iha loron ida, padre ida sa'e kare bis, tun husi foho atu mai iha Dili. Wainhira nia tun husi bis, labarik ida mos tun ho nia, labarik ne'e kaer osan \$2.00, volta husi osan ne'ebé ohin nia selu bis ne'e. labarik ne'e ki-ak, nia osan mak ne'e deit ona. Labarik ne'e mai husi familia simplis. Ita bele hare husi ninia hatais. Sira lao dadaun iha trotoar, hasoru ferik ferik ida be husu esmola. Padre hare ferik ne'e lao liu tiha, maibe labrik ne'e fo hotu nia osan resinhusi selu bis ohin ne'e. ikus mai Padre ne'e dehan, nia senti aat liu, hanesan labarik ne'e basafila nia, tamba iha nia bolsu laran sei iha osan, maibe nia la fo, at liu tan nia nu'udar Padre iha nia homilia koalia kona ba feto faluk be esmola. (Pam 347)

Perguntas

1. Padre no labarik hasoru se?
2. Se mak fo esmola ba fetokiak?
3. Se mak halo tuir Jesus nia hanorin?

Evajellu

Mt 21: 28-32

Aiknanoik maun alin na'in rua nian

²⁸“Imi hanoin sa? Ema ida iha oan mane na'in rua. Nia ba ida uluk hodi dehan: ‘Oan, ohin o ba serbisu iha to'os,’ ²⁹Oan ne'e hatan: ‘Ha'u lakohi.’ Maibe, la kleur, nia hakribi hodi ba. ³⁰Tuir mai, nia hakbesik ida seluk hodi dehan ba nia hanesan nia dehan ba ida uluk Ida ne'e hatan; ‘Ha'u ba, Na'i.’ Maibe nia la ba. ³¹Sira na'in rua ne'e, ida nebe mak halo tuir nia aman nia hakarak?” Sira hatan: “Ida uluk.” Jesus dehan ba sira: “Tebes, Ha'u dehan ba imi: ema publikanu no feto moris aat sira sei la'o uluk liu imi ba Maromak nia reinu. ³²Joao mosu ba imi hodi hatudu dalan

Iha uma la maña ba ama no apa, tiu ka tian. Eskola saiba loos uma, atu apa, ama, bin, maun sira la buka tan ha'u, la hirus malu tan ha'u. Se sira hirus malu karik ha'u nudar oan, fo hanoin ba ama no papa atu keta hirus malu. Fila husi eskola buka ama no apa atu kumprimenta; dehan bensa apa, bensa ama, ka boa tarde apa, boa tarde ama ha'u fila ona husi eskola. Se ha'u halo nune'e karik ha'u nia familia sira hare malu diak tamba ha'u.

SEMANA DATOLUK SASIN SANTIDADE NIAN IHA HAHALOK

Objektivu:

1. Atu Labariksira hatene kona ba sasin Santidade nian mak oin sa.
2. Atu Labariksira Hadomi moris santidade
3. Atu Labariksira bele pratika hahalok sira santidade nian
4.

Prosesu

Orasaun

LISAUN BOOT IDA HOUSI NIA MESTRE

Don Bosco edukador matenek boot ida, ho fuan manas santo sira nian. Nia hatudu ba nia foinsa'e sira katak Nai Maromak bolu sira hotu ba santidade, tanba nia hakarak atu sira moris kontente nafatin. Iha loron Domingo ida nia koalia nune'e kona ba santidade: 1. Nai Maromak hakarak ita sai santu 2. La susar sai santu, tanba Maromak hamtuk ho ita 3. Iha premio boot ida iha lalehan ba sira nebe hakaas-an atu sai santu. Liu tiha loron ruma Don Bosco husu ba Savio: “Domingos, o hetan problema ruma karik? O terus buat aat ruma karik?” “La'e, Don Bosco, oin seluk fali, hau hetan terus ba buat diak ida. Hau hakarak hateten ba ita katak, hau hakarak, hau presisa sai santu. Dehan took mai hau; hau sei halo saida atu hahu sai santu?” “Buat ne'e la susar ida. O halo didiak lor-loron o nia orasaun no estudu, hafoin halimar ho ksolok nafatin ho o nia maluk sira.” Ne'e lisaun mestre nian. Maibe aluno ne'e hatudu nia an santu hanesan nia mestre. Nia aprende no halao lisaun ne'e nudar lei santidade nian ba nia an no mos ba nia kolega sira. “Oras ne'e hau hatene ona katak, hau bele sai santu hodi haksolok nafatin. HAU HAKARAK, hau precisa duni sai santu. HAU HAKARAK saran hau nia an tomak

nafatin ba Maromak. HAU HAKARAK, hau tenke sai Nai ninian. Hau sei sai santu no hau sei la hakmatek wainhira la sai santu.” Liafuan HAKARAK ne’e, los duni lia santu sira nian.

Perguntas

1. Don Bosko dehan saida kona ba santidade? . (1. *Nai Maromak hakarak ita sai santu* 2. *La susar sai santu, tanba Maromak hamtuk ho ita* 3. *Iha premio boot ida iha lalehan ba sira nebe hakaas-an atu sai santu*).
2. Domingos Savio husu ba Don Bosco hau sei halo saida atu hahu sai santu? Don Bosco hatan saida? (*Buat ne’e la susar ida. O halo didiak lor-loron o nia orasaun no estudu, hafoin halimar ho ksolok nafatin ho o nia maluk sira.*”)
3. Domingos Savio hatan saida ba Don Bosco nia liafuan ne,e? (*Oras ne’e hau hatene ona katak, hau bele sai santu hodi haksolok nafatin. HAU HAKARAK, hau precisa duni sai santu*).
4.

Evanjellu

Mt 10: 40-42

Tauk deit Maromak

⁴⁰“Ema nebe simu imi, simu Ha’u; ema nebe simu Ha’u, simu Ida nebe haruka Ha’u mai. ⁴¹Ema nebe simu profeta ida tan nia profeta, ema ne’e sei simu kolen profeta nian. Ema nebe simu ema los ida tan nia ema los, ema ne’e sei simu kolen ema los nian. ⁴²Ema nebe fo be malirin kopu ida deit mos ba kiik oan sira ne’e ida, tan nia Ha’u eskolante, tebes, Ha’u dehan ba imi: nia sei la lakon nia kolen.”

Perguntas

1. Jezús dehan nia sei fo saidaa ba sira be fo sasin kona ba Nia? (*ema nebe fo sasin karik kona ba Ha’u iha ema seluk nia oin, Ha’u mos sei sasin kona ba nia iha ha’u Aman nebe iha lalehan nia oin*.)
2. Jezús dehan ita simu ema ne’ebé nia haruka, ita simu se? (simu Nia ...)
3. Jezús dehan ema ne’ebé fo be kopu ida ba labarik ida, tan hadomi Nia, ita sei hetan saida? (ita sei hetan premio boot iha lalehan, ita nia kolen la lakon leet deit)
4.

Sumario

Iha istoria ita rona kona ba Don Bosco fo instrusaun santidade nian ba S. Domingos Savio. Domingos Savio halo tuir/ moris tuir didiak buat hirak be Don Bosco dehan, ikus mai nia sai santu duni. Buat tolu ne’ebé Don Bosco dehan mak ne’e: O halo didiak lor-loron o nia orasaun no estudu, hafoin halimar ho ksolok nafatin ho o nia maluk sira.” Ne’e mak lisaun santidade nian husi Don Bossco ba S. Domingos Savio. S. Domingos simu hodi moris tuir nune’e: “Oras ne’e hau hatene ona katak, hau bele sai santu hodi haksolok nafatin. HAU HAKARAK, hau precisa duni sai santu. HAU HAKARAK saran hau nia an tomak nafatin ba Maromak

Iha evanjellu S. Mateus hatoo mai ita katak; ema ne’ebé fo be malirin kopu ida ba labarik ka ema ida tan Jezús nia naran Jezús promote katak ema ne’e sei la lakon nia kolen ne’e. Katak nia sei hetan premio husi Jezús iha loron aban bain rua.

Buat ne’ebé ita tenke halo hanesan S. Domingos Savio halo no simu premio be Jezús promete, iha ita nia moris, mak oras ne’e ita tenki halo nune’e: hakaas an atu la bele koalialia foer, labele hirus maluk sira, tuda ka baku ema ida, tenki estuda makaas, lisaun sira be mestre ka mestra fo, hatudu hahalok dia iha uma no iha eskola. Iha hakarak atu reza. Iha dader molok sai husi kuartu, kalan molok toba, molok han, no wainhira sai husi uma atu ba eskola ka fatin seluk. Domingo ba misa, ba ho apa no ama, se sira la koho dehan ba sira favour ida, ba ho ha’u. Se sira lakoho ó konvida sira nafatin, maibe uluk nanain ó tenki ba misa! Wainhira ba misa la bele tarde, no labele halimar iha misa laran, reza ka hatan misa ho diak. Wainhira halo nune’e hahalok sira ne’e mak tulun ó atu sai santo.